

Na osnovu člana 12. stav 2. Zakona o promjeni namjene poljoprivrednog zemljišta ("Službene novine Tuzlanskog kantona" broj: 10/10) i člana 73, stav 3. Zakona o izvršenju Budžeta Tuzlanskog kantona za 2016. godinu ("Službene novine Tuzlanskog kantona" broj: 17/15 i 4/16) Ministarstvo poljoprivrede, šumarstva i vodoprivrede Tuzlanskog kantona donosi

P R O G R A M

KORIŠTENJA SREDSTAVA PRIKUPLJENIH OD PROMJENE NAMJENE POLJOPRIVREDNOG ZEMLJIŠTA U 2016. GODINI

I ZAKONSKI OSNOV ZA DONOŠENJE PROGRAMA

Članom 12. stav 1. i 2. Zakona o promjeni namjene poljoprivrednog zemljišta (u daljem tekstu: Zakon) propisano je da je naplaćena naknada na osnovu promjene namjene poljoprivrednog zemljišta u nepoljoprivredne svrhe posebna vrsta prihoda Budžeta Tuzlanskog Kantona, a koristi se po Programu korištenja sredstava prikupljenih od promjene namjene poljoprivrednog zemljišta (u daljem tekst: Program), koji za svaku godinu donosi Ministarstvo poljoprivrede, šumarstva i vodoprivrede (u daljem tekstu:Ministarstvo), uz saglasnost Vlade Tuzlanskog kantona.

Članom 73. stav 3. Zakona o izvršenju Budžeta Tuzlanskog kantona za 2016. godinu propisano je da se raspoređivanje sredstava od promjene namjene poljoprivrednog zemljišta u nepoljoprivredne svrhe vrši u skladu sa Programom.

II SADRŽAJ PROGRAMA

Ovim Programom utvrđuje se visina sredstava prikupljenih od naknada za promjenu namjene poljoprivrednog zemljišta u nepoljoprivredne svrhe, način raspodjele namjenskih sredstava i način realizacije Programa.

Prikupljena sredstva od promjene namjene poljoprivrednog zemljišta koristit će se u skladu sa odredbama člana 12. Zakona i Odluke o utvrđivanju uvjeta, kriterija i načinu raspodjele sredstava prikupljenih od promjene namjene poljoprivrednog zemljišta broj: 04/1-24-006636/16 od 03.03.2016. godine i 04/1-24-006636/16 od 27.10.2016. godine, kojim je propisano da se naplaćena naknada po osnovu promjene namjene poljoprivrednog zemljišta u nepoljoprivredne svrhe može koristiti za sljedeće svrhe:

- izradu osnova, programa i projekata zaštite, korištenja i uređenja poljoprivrednog zemljišta,
- provođenje mjera zaštite, korištenja i uređenja poljoprivrednog zemljišta i za inundaciona područja,

- uspostavu informacionog sistema za zemljište,
- zemljišni monitoring,
- izradu karte upotrebne vrijednosti zemljišta,
- izradu projekta višenamjenskog vrednovanja,
- realizaciju poslova utvrđenih programom gospodarenja,
- dekontaminaciju zemljišta i podizanje zaštitnih pojaseva u neposrednoj blizini putnih komunikacija.

III PRIHODI

Prihod utvrđen u Programu čine prenesena neutrošena sredstva od naplaćenih naknada za promjenu namjene poljoprivrednog zemljišta u nepoljoprivredne svrhe i planirani prihodi po ovom osnovu u 2016. godini u ukupnom iznosu od 2.200.000,00 KM.

Planiran приход uvršten je u Budžet Tuzlanskog kantona za 2016. godinu na poziciji potrošačke jedinice 14010001.

IV RASHODI

Ukupno planirana namjenska sredstva za 2016. godinu utrošit će se za realizaciju projekata uređenja i zaštite poljoprivrednog zemljišta, za realizaciju studije upotrebne vrijednosti zemljišta (projekti višenamjenskog vrednovanja korištenja i zaštite zemljišta i izrada karata upotrebni vrijednosti poljoprivrednog zemljišta), za uspostavu monitoringa poljoprivrednog zemljišta na području Tuzlanskog kantona, te za dovršetak realizacije projekata odobrenih prethodnim Programima.

Nerealizovani projekti koji su uvršteni u Program su projekti čija je realizacija odobrena prethodnim Programima, ali nisu zbog objektivnih razloga realizovani do kraja budžetske godine.

Sredstva planirana Programom utrošit će se za realizaciju sljedećih projekata:

Redni broj	Općina	Projekti odobreni za realizaciju u 2016. godini	Iznos sredstava potrebnih za realizaciju odobrenih projekata u 2016. godini u KM	Nerealizovani projekti	Iznos sredstava potrebnih za realizaciju odobrenih i ugovorenih projekata uređenja zemljišta iz prethodnih Programa	Iznos sredstava potrebnih za realizaciju odobrenih i ugovorenih projekata višenamjenskog vrednovanja korištenja i zaštite zemljišta i izradu karata upotrebnih vrijednosti zemljišta iz prethodnih Programa
1.	Banovići	/	/	Projekt višenamjenskog vrednovanja korištenja i zaštite zemljišta i izrade karte upotrebne vrijednosti zemljišta (Studija upotrebne vrijednosti zemljišta)	/	43.290,00
2.	Doboj Istok	Studija upotrebne vrijednosti zemljišta (Projekt višenamjenskog vrednovanja korištenja i zaštite zemljišta i izrade karte upotrebne vrijednosti zemljišta)	18.668,52	/	/	/
3.	Čelić	/	/	Projekt višenamjenskog vrednovanja korištenja i zaštite zemljišta i izrade karte upotrebne vrijednosti zemljišta (Studija upotrebne vrijednosti zemljišta)	/	47.880,00
4.	Gračanica	1. Projekt čišćenja i uređenja odvodnih kanala na poljoprivrednom zemljištu na području općina Gračanica i Doboja Istok 2. Projekt uređenje i čišćenje odvodnih kanala na poljoprivrednom zemljištu K.O. Donja Orahovica i K.O. Donja Lohinja, općina Gračanica	27.235,00 21.828,50	Projekt odvođenja oborinskih i drenažnih voda u cilju zaštite i osposobljavanja poljoprivrednog zemljišta „Bare-Grabovac“ u MZ Gračanica	38.250,55 /	16.658,89 /